

Bosna i Hercegovina  
Federacija Bosne i Hercegovine  
**KANTON SARAJEVO**  
Zavod za planiranje razvoja  
Kantona



Босна и Херцеговина  
Федерација Босне и Херцеговине  
**КАНТОН САРАЈЕВО**  
Завод за планирање развоја  
Кантона

Bosnia and Herzegovina  
Federation of Bosnia and Herzegovina

**CANTON SARAJEVO**  
Institute for Canton Planning

## V O D I Ć

**Za pristup informacijama**

**U Zavodu za planiranje razvoja Kantona Sarajevo**

**Mart, 2021. godine**



Sarajevo, Branilaca Sarajeva 26; Pošt. pret 105;  
Tel: Centrala + 387 33 258-275; + 387 33 258-285;  
Tel: Direktor + 387 33 226-736;  
Fax: + 387 33 209-543;  
Tel: Finansije, Tel/Fax : + 387 33 207- 321  
Web: <http://zpr.ks.gov>; e-mail: [info@zpr.ks.gov.ba](mailto:info@zpr.ks.gov.ba)



## UVOD

Članom 3. tačka 1. Zakona o slobodi pristupa informacijama u Federaciji Bosne i Hercegovine („Službene novine Federacije BiH“ br. 32/01 i 48/2011), definisan je pojam informacije:

” Informacija- svaki materijal kojim se prenose činjenice, mišljenja, podaci ili bilo koji drugi sadržaj, uključujući svaku kopiju ili njen dio, bez obzira na oblik, karakteristike, vrijeme kada je sačinjena i kako je klasificirana”.

Vodič ima za cilj da pomogne podnosiocima zahtjeva u ostvarivanju prava za pristup informacijama u Zavodu za planiranje razvoja Kantona Sarajevo u skladu sa Zakonom o slobodi pristupa informacijama u Federaciji Bosni i Hercegovini.

Popis dostupnih informacija u Zavodu za planiranje razvoja KS ( u daljnjem tekstu: Zavod) naveden je u „Indeks registru informacija“.

Vodič, kao i „Indeks registra informacija“ su besplatni i dostupni su na web stranici Zavoda ( [www.zpr.ks.gov.ba](http://www.zpr.ks.gov.ba) ) i portirnici Zavoda.

Sjedište Zavoda je u Sarajevu, Ulica Branilaca Sarajeva br. 26.

# V O D I Č

## Za pristup informacijama u Zavodu za planiranje razvoja Kantona Sarajevo

### Član 1.

Svakoj osobi (pravnoj ili fizičkoj), omogućava se pristup informacijama koje su pod kontrolom Zavoda za planiranje razvoja Kantona Sarajevo, a koje su sadržane u Indeksu registru informacija u prilogu, u skladu sa Zakonom o slobodi pristupa informacijama u Federaciji Bosni i Hercegovini.

### Član 2.

- (1) Zavod za planiranje razvoja Kantona Sarajevo smješten je u Ulici Branilaca Sarajeva br. 26, telefon 033/ 258-285.
- (2) Službenik za informisanje je pomoćnik direktora za GIS, dr.sc. Jasmin Taletović, dipl.ing.geod.
- (3) Ovaj Vodič se može dobiti na portirnici Zavoda, kod službenika za informisanje – kao besplatan primjerak i na web stranici Zavoda.

### Član 3.

- (1) Pravo na pristup informaciji se ostvaruje:
  - a) podnošenjem pismenog zahtjeva na jednom od službenih jezika u Federaciji BiH,
  - b) u zahtjevu dati dovoljno podataka o prirodi ili sadržaju informacije koja se traži, kako bi se omogućilo organu da pronađe traženu informaciju,
  - c) u zahtjevu se obavezno navodi ime podnosioca zahtjeva i adresa, a po mogućnosti i kontakt telefon,
  - d) zahtjev se lično predaje u prijemnu kancelariju Zavoda, soba br.5, na I spratu ili putem pošte na adresu Zavoda.
- (2) Ako se zahtjev odnosi na ličnu (osobnu) informaciju, zahtjev za pristup informaciji može podnijeti samo fizička osoba na koju se zahtjev odnosi, njen zakonski zastupnik ili punomoćnik.
- (3) Osobe iz prethodnog stava svoj identitet potvrđuju prezentiranjem lične karte ili druge javne isprave sa fotografijom, a zakonski zastupnik mora prezentirati i dokaz o zakonskom zastupanju, dok punomoćnik mora prezentirati punomoć i prilog kopiju ličnog dokumenta podnosioca zahtjeva.
- (4) Ako se pismeni zahtjev odnosi na pristup informacijama, Zavod će o tome odlučiti rješenjem.
- (5) Kada Zavod odobri pristup traženoj informaciji, rješenjem će obavjestiti podnosioca zahtjeva o mogućnosti ličnog pristupa informaciji u prostorijam Zavoda ili će traženu informaciju dostaviti pismeno, ukoliko ne prelazi deset standardnih stranica A4 formata.
- (6) Rok za postupanje po zahtjevu je 15 dana, a za slučaj da se zahtjev ne riješi u ovom

roku, Zavod je dužan da obavijesti podnosioca zahtjeva o razlozima.

#### **Član 4.**

Ako se pismeni zahtjev odnosi na pristup informacijama za koje Zavod nije u mogućnosti da udovolji, o tome će odlučiti rješenjem, koje mora da sadrži razloge nepostupanja po zahtjevu, pouku o pravnom lijeku i načinu ulaganja pravnog lijeka, kao i uputu o pravu i načinu obraćanja Ombudsmenu Federacije BiH.

#### **Član 5.**

- 1) Pravo pristupa informaciji može biti ograničeno u slijedećim slučajevima:
  - a) interesa odbrane i sigurnosti, kao i zaštite javne sigurnosti,
  - b) sprječavanje kriminala i otkrivanje kriminala,
  - c) zaštite postupka donošenja odluka u Zavodu, uključujući davanje mišljenja, savjeta ili preporuka, bilo da se radi o licu zaposlenom u Zavodu ili drugom licu koje radi za ili u ime Zavoda, s tim da ne obuhvata činjenice, statističke, naučne ili tehničke informacije,
  - d) ako zahtjev za pristup informaciji uključuje povjerljive komercijalne interese,
  - e) ako zahtjev za pristup informaciji uključuje lične interese koji se odnose na privatnost trećeg lica.
- 2) Informacija bit će utvrđena izuzetom od saopćavanja na osnovu utvrđivanja svakog pojedinačnog slučaja, ako se nakon obavljenog ispitivanja javnog interesa utvrdi da saopćavanje informacije nije od javnog interesa.

#### **Član 6.**

- (1) Zavod će saopštiti traženu informaciju, bez obzira na izuzetak, ako je to opravdano javnim interesom i pri tom uzima u obzir svaku korist i štetu koju može proizvesti saopštavanje informacije.
- (2) Ako Zavod utvrdi da je dio tražene informacije izuzetak, onda izdvaja taj dio, a saopštava ostali dio informacije, osim ako na taj način razdvajanja informacija nije postala nerazumljiva.

#### **Član 7.**

Kad Zavod odobri pristup informaciji u cjelosti ili djelimično, rješenjem će obavijestiti podnosioca zahtjeva:

- a) o mogućnosti ličnog pristupa informaciji u prostorijama Zavoda ili će podnosiocu zahtjeva dostaviti informaciju u pismenoj formi ako je ista kraća od 10 (deset) strana,
- b) o mogućnosti umnožavanja informacije koja sadrži preko deset strana i obavezi podnosioca zahtjeva da izvrši uplatu u vidu naknade troškova, u iznosu od 0,10 KM po jednoj stranici standardne veličine, odnosno 5,00 KM po jednom CD-u za elektronsku dokumentaciju,
- c) o načinu uplate i to na Depozitni trezorski račun Kantona Sarajevo broj: 141-196-53200084-75 otvoren kod Bosna Bank International d.d, Sarajevo,

identifikacioni broj 4200536150009, vrsta prihoda 732116, općina 077,  
budžetska organizacija 2701001

### Član 8.

U slučaju da se donese rješenje kojim se odbija zahtjev za pristup informacijama, rješenje se dostavlja podnosiocu zahtjeva, navodeći zakonski osnov za status izuzeća informacije, zatim sva materijalna pitanja koja su uticala na donošenje rješenja, te rok u kome se podnosi prigovor direktoru Zavoda kao i pouku o pravu obraćanja Ombudsmenima Federacije BiH.

### Član 9.

Rješenja iz člana 7. i 8. dostavljaju se podnosiocima zahtjeva, najkasnije u roku od 15 dana od dana podnošenja zahtjeva, osim u slučajevima kada je neophodno dobiti izjašnjenje treće strane o saopštavanju povjerljivih komercijalnih informacija, odnosno informacija koje se odnose na privatnost treće osobe, kao i u slučaju kada je Zavod dužan da obavijesti treću stranu da će zbog postojanja javnog interesa saopštiti informaciju koja je utvrđena kao izuzetak od saopštavanja.

### Član 10.

Ovaj Vodič stupa na snagu danom donošenja.

Stupanjem na snagu ovog Vodiča, prestaje da važi Vodič br. 04-02-6948/15 od 17.12.2015. godine

Sarajevo, 10.3.2021. godine  
Broj: 08-02-1010/21



Prilog:

- obrazac zahtjeva za pristup informacijama;
- Indeks registar informacija u Zavodu za planiranje razvoja Kantona Sarajevo.



Bosnia and Herzegovina  
Federation of Bosnia and Herzegovina  
**CANTON SARAJEVO**  
Institute of Sarajevo Canton Planning Development

Na osnovu člana 24. stav (1) Zakona o slobodi pristupa informacijama u Federaciji Bosne i Hercegovine („Službene novine Federacije Bosne i Hercegovine“, broj: 32/01 i 48/11), a u vezi sa tačkom 5. Upustva za provođenje zakona o slobodi pristupa informacijama u Federaciji Bosne i Hercegovine („Službene novine FBiH“ br. 57/01) dana 5.7.2022. godine, direktor Zavoda za planiranje razvoja Kantona Sarajevo donosi

**O d l u k u o**  
**izmjenama Vodiča o pristupu informacijama**  
**u Zavodu za planiranje razvoja Kantona Sarajevo**

**Član 1**

U Vodiču o pristupu informacijama u Zavodu za planiranje razvoja Kantona Sarajevo br. 08-02-1010/21 od 10.3.2021. godine, u članu 7. stav (1) tačka b) iznos od „0,10 KM“ zamjenjuje se iznosom od „0,50 KM.“

**Član 2**

Ova odluka stupa na snagu danom donošenja.

Sarajevo, 5.7.2022. godine  
Broj: 08-02-1010/1-21



**Direktor**  
**Faruk Muharemović, mr. dipl. ing.arh.**

**OBRAZAC ZAHTJEVA**

Ime i prezime : \_\_\_\_\_

Adresa: \_\_\_\_\_

Telefon: \_\_\_\_\_

**KANTON SARAJEVO  
ZAVOD ZA PLANIRANJE RAZVOJA KANTONA  
Ul. Branilaca Sarajeva br. 26  
S a r a j e v o**

**PREDMET: Zahtjev za pristup informaciji**

Na osnovu Zakona o slobodi pristupa informacijama u Federaciji Bosni i Hercegovini predlažem da mi omogućite pristup sljedećim informacijama:

\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_

**Prilog:**

1. \_\_\_\_\_
2. \_\_\_\_\_
3. \_\_\_\_\_
4. \_\_\_\_\_

**Datum:** \_\_\_\_\_

**Potpis podnosioca zahtjeva**

\_\_\_\_\_